



Von Reinicken Fuchs/

Reinicken sprach : Fürwar ich schwür/
 Der weg gieng bey dem Kloster hin/
 Mich dunckt fürwar in meinem sinn/
 Er sey der nechst/ sie giengen dar/
 Da nam Reinicken der Hünner war/
 Ein Han war feist/schön/gross vnd jung/
 Nach dem thet Reinicken einen sprung.
 Grimhart schrey bald: Was sol das sein/
 Ist das die Beicht vnd Busse dein:
 Das mag wol sein ein Galgen reuw/
 Reinicken sprach: Ohm bey meiner treuw/
 Ich thet es warlich in gedanken/
 Ach Ohm vergebt mir mein wancken/
 Ich wil et forthin vnderlassen.
 Sie giengen ferner ihre Strassen/
 Der weg gieng vber ein schmale Brück/
 Gar oft sag Reinicken hinderrück/
 Grimhart sprach: Vnreiner fraß/
 Wenn wiltu dich nur halten baß?
 Wie oft dein Augen vmbher gehn/
 Vnd sehen wo die Hünner stehn/
 Reinicken sprach: Ohm schweigt doch still/
 Was wist ihr was doch sey mein will.
 Ihr habt mich jetzt mit euwerm wort/
 Von meinem innigen Gebett verstört.
 Laßt mich doch lesen ein Pater noster/
 Für die Hünner bey dem Kloster/
 Vnd auch die Gänß/ihn allen zu genaden/
 Der ich gar viel hab verrathen/
 Die ich all diesen heiligen Tunnen/
 Mit meiner list hab abgewunnen.
 Sie giengen fort vnd kamen schier/

131

129

135

125

140

120

180

080

230

030

Ende

Anfang